

# Powšitkowne WOZJEWJENJA

njedźelu, 30. januara 2022

## Wusyłanje Božemu mšow

Serbskorěčnej Božej mši móža wěriwi tutu njedźelu, 30. januara, znowa jako livestream w interneće scěhować. Jedne kemše přenjesu so we 8.30 hodź. z Kulowskeje, dalše w 9 hodź. z Chróšćanskeje cyrkwy. Linkaj na njej stej w interneće pod [www.posol.de](http://www.posol.de) a na wosadnymaj stronomaj podatej.

## Boža mša w MDR-Kultur z Kulowa

Rozhlósowy scelak MDR-Kultur přenese tutu njedźelu, 30. januara, Božu mšu z wosadneje cyrkwy Marije donjebjeswzača w Kulowje. Kemše započnu so w 10 hodź. Link na nje je pod [www.posol.de](http://www.posol.de) wozjewjeny.

## Bosćanowa wustajeńca w Kamjencu hišće přistupna

Wustajeńca wo česćowanju swjateho Bosćana w Chróšćanskej wosadze je hišće hač do kónc februara w Kamjenskim sakralnym muzeju cyrkwy swjateje Hany přistupna. Boži dom je wot pónđzele do pjatka stajnje wot 10 do 16 hodź. kaž tež sobotu a njedźelu wot 11 do 16 hodź. wotewrjeny.

## Boža mša na dnju zbóžneho Alojsa w Radworju

Na swjedžensku Božu mšu na wopomnjenskim dnju zbóžneho martrarja Alojsa Andrickeho su wěriwi štwórtk, 3. februara, we 18.30 hodź. do Radworja přeprošeni. Swjedženski předar budže farar na wuměnk, prelat Heinz Morawietz z Kulowa. Kemšam, kotrež dujerjo sobu wuhotuja, přizamknje so šijeswjećenje. Cyrkej budže tepjena.

## Džěci so za chórowy projekt přizjewić

Za nowu serbsku spěwohru „Z TOBU – Bohu swjećene lěto“ su džěci do wulkeho chóra prošene. Wona nawjazuje na CD, kotruž běše Towarstwo Cyrila a Metoda z.t. zhromadnje ze Załožbu za serbski lud w lěće 2000 wudało. Předstajeć ma so spěwohra w oktobru. Nadrobne je projekt w Katolskim Posole wopisany.

## Pytaja wosobu za džěcacu pastoralku

W dekanatnym dušepastyrstwe za džěci a młodžinu we Worklecach ma so k přichodnemu móžnemu terminu njewobmjezowane džělowe městno w pastoralce za džěci wobsadzić. Tydženski džělowy čas wučinja 20 hodźin. Wuměnenja su mjez druhim nabožno- abo socialnopedagogiska kwalifikacija, zajim za žiwjenski swět džěci a swójbow, wobknježenje serbskeje rěče, zakładne znajomosće projektowego managementa, zwólniwosć, tež wječor abo sobotu a njedźelu džělać kaž tež přezjednosć z nadawkami, službu a žiwjenjom katolskeje cyrkwy. Pisomne požadanja přijimuje personalny wotrad biskopskeho ordinariata, Käthe-Kollwitz-Ufer 84, 01309 Drježdźany, hač do njedźele, 27. februara. Podložki móža so tež digitalnje zapodać, a to z mailku na [bewerbung@bddmei.de](mailto:bewerbung@bddmei.de). Link na nadrobne wupisanje džěloweho městna nańdu zajimcy pod [www.posol.de](http://www.posol.de).

## **Modlenje w Róženće**

Na modlenje swjateho różowca su wěriwi sobotu, 12. februara, we 18 hodź. do Róženčanskeje hnadowneje cyrkwy přeprošeni. Pačerje budu so serbsce a němsce spěwać.

## **Premjera serbskeje činohry „Šěrcec Hanka“**

Swoju prapremjeru dožiwi činohra „Šěrcec Hanka“, sobotu, 12. februara, w 19.30 hodź., na hłownym jewišću Němsko-Serbskeho ludoweho dźiwadła w Budyšinje. W kruchu rekonstruuja so žiwjenske slědy katolskeje Serbowki židowskeho pochada. Před kóždym předstajenjom poskići so zawod do hry a w běhu inscenacijow simultane přeložowanje do němčiny. Dalše předstajenja su planowane sobotu, 26. februara kaž tež 5. měrca, stajnje w 19.30 hodź., njedźelu, 27. měrca, w 15.00 hodź. (na tym dnju z dźiwadłowej pěstowarnju) a njedźelu, 3. apryla, w 17.00 hodź. kaž tež srjedu, 13. apryla, w 10.00 hodź.

Kartki móža zajimcy při dźiwadłowej kasy, docpějonej pod telefonowym číslom (0 35 91) 58 42 25 abo přez Gabrielu Korchowu, telefonowe čísto (0 35 91) 58 42 75 abo z mejlku na [dispo.sorbisch@theater-bautzen.de](mailto:dispo.sorbisch@theater-bautzen.de) knihować. Němsko-Serbske ludowe dźiwadlo zdobom na to skedźbnja, zo płaći w hrajniščach regula 2G+. Stajnje aktualne informacije k tomu namakaja zajimcy na internetowej stronje dźiwadła pod [www.theater-bautzen.de](http://www.theater-bautzen.de).

## **Chorych a mrějacych přewodźeć nawuknyć**

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju chorych a mrějacych. K tomu trěbna wěda so w zakładnym kursu posrědkuje, kotryž wotměje so wot 16. měrca hač do 13. apryla pječ króć srjedu wot 17 do 21 hodź. a dwójce sobotu wot 9 do 15 hodź. Na to scěhuje dohromady 40hodžinski praktikum z dalšimi štyrjomi zetkanjemi. Pohłubšacy kurs je w septembru planowany. Štóž chcył wukubłanje absolwować, móže so pola hospicneje služby Carity w Kamjencu pod telefonowym číslom (0 35 78) 37 43 12 za kurs přizjewić.

## **Jězba w lěću za šulerjow 5. do 8. lětnika**

Dekanatne dušepastyrstwo džěci přeprošuje šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot pón-dže do pjatka, 15. do 19. awgusta. Přizjewjenja přijimuju hač do soboty, 30. apryla, online. Link je pod [www.posol.de](http://www.posol.de) podaty.

## **Do Medžugorja hišće swobodne městna**

Za putniku jězbu wot soboty do soboty, 2. do 9. apryla, su hišće někotre městna swobodne. Zajimcy měli so pola Gerata Róbla w Smjerdžacej přizjewić, telefonowe čísto (03 57 96) 9 65 40.